

言善哉善哉拘翼乃勸助是善男子善女人  
求菩薩道者乃爾如卿為佛作賢弟子之法  
當益於菩薩摩訶薩以持法施及供養施護  
養菩薩勸助使成阿耨多羅三耶三菩何以  
故諸佛及弟子眾皆從是二事施中出若菩  
薩不發阿耨多羅三耶三菩意者是菩薩終

不能學六波羅蜜及佛十八法若菩薩不學  
六波羅蜜及佛十八法者終不成阿耨多羅  
三耶三菩亦不知有羅漢辟支佛以菩薩學  
六波羅蜜及佛十八法故得成阿耨多羅三  
耶三菩三惡趣便斷世間乃知有刹利梵志  
長者大姓種便知有四天王天及無思想無

思想慧天便知有六波羅蜜從內外空及有  
無空三十七品佛十八法世間便知有聲聞  
辟支佛乘

沈茂書

放光般若波羅蜜經卷第十一 重一

薩云若下汝者無執下於香猗猗字彝提上初

反馮二惟速下音

放光般若波羅蜜經卷第十二 重二

西晉三藏無羅叉共竺叔蘭譯

勸助品第四十

尔時彌勒菩薩摩訶薩語須菩提菩薩摩訶  
薩所作勸助福祐之像與眾生共為阿耨多  
羅三耶三菩無所希望出過眾生諸聲聞辟

六十四

支佛所作勸助福祐者上一切眾生發聲聞  
辟支佛乘者所作布施福祐之像持戒自守  
一心福像不如是菩薩摩訶薩勸助之福與  
眾生俱共為阿耨多羅三耶三菩其福最尊  
為最第一具足無有過上者所作勸助皆為  
眾生成阿耨多羅三耶三菩何以故羅漢辟  
支佛所作布施之福持戒自守但欲自調但  
欲自淨但欲自度念三十七品念三脫門但  
以自調而欲自度菩薩但欲調眾生欲淨眾  
生欲度眾生勸助眾生為阿耨多羅三耶三  
菩須菩提白彌勒菩薩摩訶薩是菩薩摩訶  
薩於東方無鞞數諸佛刹土無鞞數般泥洹

佛從發意至阿耨多羅三耶三佛至般涅槃  
乃至法滅盡從其中間所作善本應六波羅  
蜜及諸聲聞緣覺所作布施功德持戒自守  
及諸無漏之戒從行戒至無戒善本乃至諸  
佛淨戒之福三昧之福智慧之福解脫之福  
見解脫慧之福及大慈大悲無量阿僧祇佛  
所說法從其法中所聞受者有得須陀洹至  
得阿羅漢辟支佛上至菩薩及諸般泥洹佛  
所作功德都計之合之勸助為尊最為無上  
最為具足我亦復持是功德如是勸助功德  
福是為作阿耨多羅三耶三菩中勸助是便  
為成阿耨多羅三耶三菩是善男子善女人  
為菩薩道者或當作是念如過去諸佛世尊  
所作功德使我得是意使我發是意行使我  
得是想念彌勒菩薩告須菩提善男子善女  
人發菩薩意者不以是因緣不以是像不作  
是想於阿耨多羅三耶三菩須菩提語彌勒  
菩薩若不以是得若不以是因緣諸佛世尊

何以故想於十方世界從十方佛從初發意  
至於法盡諸善本及發聲聞乘我所從戒至  
無戒功德盡計之合之而求阿耨多羅三耶  
三菩應無有想將無作顛倒想無常謂有常  
用想顛倒用意顛倒用見顛倒不淨謂淨苦  
言有樂無我謂我用想顛倒用意顛倒用見  
顛倒其事虛空亦如因緣亦如是意亦爾六  
波羅蜜亦爾乃至十八法亦爾若如事者亦  
如道意六波羅蜜亦如是五陰六情亦如是  
內外空及有無空三十七品及十種力佛十  
八法何等為事何等為因緣何等為道何等  
為諸善本何等為勸助意何等為勸助對意  
所可求阿耨多羅三耶三菩者彌勒菩薩語  
須菩提若有菩薩行六波羅蜜見過去佛供  
養承事諸佛與善知識相得若已自學身空  
是輩之人不以事像不以是因緣不以是佛  
善本之相不以勸助功德不以是諸福作想  
求阿耨多羅三耶三菩當復更作是意求令

重

教光十二

二

音

不墮二法亦不不二亦不以想亦不以無想亦無所倚亦非不倚亦不以著亦不以斷亦不以生亦不以滅若是菩薩不學六波羅蜜若不供事諸佛若無諸善之本若不與善知識相得若不自學空便以是事以是因緣以是勸助功德以是諸事起想求阿耨多羅三

耶三善是故須菩提不當為初發意菩薩前說六波羅蜜及內外空有無空及諸法空不當為新學菩薩說之何以故若新學者或亡所信或亡所樂所有恭敬皆悉亡失便壞諸善本當為阿惟越致菩薩摩訶薩說之若久與善知識相隨者亦可與說從前過去於諸

重 放光十二

三

佛所作功德者當與是輩人可說空相法是人聞是不恐不怖亦不畏懼菩薩摩訶薩當作如是勸助所可勸助意所可求阿耨多羅三耶三善是意已滅盡無所復有所可作者及諸因緣所作功德亦復滅盡何等為勸助意何等為眾事何等為因緣何等為善本功

德而求阿耨多羅三耶三善者持意有所求邪意無兩對如意之性而無所求若有菩薩行般若波羅蜜至六波羅蜜亦無所有至於五陰亦無所有至道亦無所有若有菩薩求阿耨多羅三耶三善當作是知當作是求當作是勸助當作是善本如是求為求阿耨多

羅三耶三善彌勒菩薩語長老須菩提言新學菩薩聞是將無恐怖當云何作諸善本功德而有所求云何勸助及諸功德持作阿耨多羅三耶三善須菩提語彌勒菩薩新學菩薩行般若波羅蜜受持六波羅蜜無所倚受而無所想當解內外空及有無空解三十七品佛十八法常與善知識相得得六波羅蜜及其義趣教授令不離六波羅蜜至得菩薩道不離佛法教語魔事聞魔事已不增不減何以故至得菩薩道常念諸法不離諸佛於中作功德受持諸菩薩宗至得阿耨多羅三耶三善不離是功德新學菩薩於諸十方無

鞅數佛如來無所著等正覺及諸弟子所作功德及諸刹利梵志大姓及四天王首陀會諸天所作功德皆勸助之持是勸助功德求阿耨多羅三耶三菩其功德最上無過者是時彌勒菩薩語須菩提言若有新學菩薩念諸佛及弟子所有勸助功德持無上無比勸

助無鞅數勸助功德求阿耨多羅三耶三菩想於念見而不顛倒須菩提言雖念諸佛及弟子眾於中無佛想亦無弟子眾想亦無諸善本想意有所求亦無意想菩薩作如是求於想不倒於念不倒於見不倒若菩薩念諸佛及眾僧功德念所作善本持想求阿耨多

羅三耶三菩是為菩薩想倒念倒見倒菩薩雖有是念念佛及眾念諸善本雖有是念當知是念盡滅無所有所可盡者無所求意有所求是意之法所可求法亦是甚法雖作是求是為正求不為邪求菩薩摩訶薩當作是求是為過去當來本現在諸佛及諸弟子所

作功德下至凡夫所作功德所聽受法及諸天阿須倫真陀羅摩睺勒所作功德及諸刹利梵志大姓長者所作功德及四天王上至首陀會天所作功德所聽受法所可發意求阿耨多羅三耶三菩都盧合之聚之計之稱之是所作功德皆勸助之持是勸助功德求

阿耨多羅三耶三菩若當知是法已盡已滅無所復有所可求法亦復盡空若作是求為求阿耨多羅三耶三菩當作是知法不求法何以故諸法皆自空故作是求者為求阿耨多羅三耶三菩菩薩如是行六波羅蜜者於想不倒於念見亦不倒何以故不入所求故

於諸善本及其道意不見當有所入處故是為菩薩無上之求菩薩摩訶薩於諸功德寂而無所生於五陰十八性及六衰至六波羅蜜亦寂無所生於內外空及有無空佛十八法亦寂而無所知菩薩如是知寂無所得者是為求阿耨多羅三耶三菩若菩薩摩訶薩

甲

卅

重

放光

卅

知勸助功德勸助功德寂無所生佛寂及佛  
事寂諸善本事善本事寂諸道意事道意事  
寂諸所求事所求事寂諸菩薩事菩薩事寂  
六波羅蜜事六波羅蜜事寂乃至佛十八法  
佛十八法寂如是菩薩當寂淨行般若波羅  
蜜是為菩薩行般若波羅蜜諸過去佛所作

善本有所求索盡般泥洹菩薩摩訶薩亦當  
作是求所作善本及於所求當如泥洹意有  
所索意與所求適等無異作如是求作如是  
知是為求阿耨多羅三耶三善作如是求者  
想不顛倒念不顛倒見不顛倒若復菩薩以  
想行般若波羅蜜以想念諸佛功德是為不  
求阿耨多羅三耶三善過去諸佛亦不有想  
亦不無想若復作念若復作想如是為不求  
阿耨多羅三耶三善是為想顛倒念顛倒見  
顛倒若復不念諸佛善本諸所有發意亦不  
作知亦不作想是則為求阿耨多羅三耶三  
善是為菩薩想不顛倒念見不顛倒彌勒善

菩薩語須菩提云何菩薩有所求而無有想須  
菩提言菩薩欲得漚想拘舍羅當於般若波  
羅蜜中學不求般若波羅蜜終不得諸善本  
功德何以故諸佛世尊亦不於般若波羅蜜  
中現及諸善本亦不見眾事亦不見意可作  
阿耨多羅三耶三善所作已滅眾事亦滅我

但以自起是諸想諸善功德及諸發意諸佛  
世尊亦無想求亦無有是勸助亦無是知何  
以故用想求無所得故若想有可得者我及  
諸佛所作分別想當有所得是故菩薩功德  
菩薩有所求亦不當作想亦不當有所倚諸  
佛世尊不稱譽倚想求者何以故想求者為

雜毒譬如淨潔美食與毒相得色雖香美故  
為雜毒若有愚癡之人欲得食之雖為當時  
貪其色好香美可口久後不便其身作如是  
受不諦觀不諦知不知諷誦倒解中義自不  
能解為他人說言善男子是教是過去當來  
今現在佛從發意以來至得阿耨多羅三耶

重

放光十二

六

手

三善於有餘泥洹至無餘泥洹乃至法盡於其中間行般若波羅蜜所作功德及六波羅蜜所可行三十七品四禪四等及四空定十種力十八法所作善本及淨佛國教授衆生諸佛戒品三昧品智慧品解脫品見解脫慧品薩云若慧無所亡法常等行於聲聞中所作功德諸佛世尊所記辟支佛諸天尊神阿須倫迦留羅真陀羅摩睺勒所作功德都盧合聚此諸功德持求阿耨多羅三耶三菩提想求三耶三佛是則譬如雜毒之食有荷想者終無所成何以故有荷有想而有形貌有雜毒求為謗如來亦不受如來教亦不受法善男子善女人行菩薩道者當作是念過去當來今現在諸佛世尊從發意以來至得佛云何有所作求及諸弟子至薩云若中事所作上亦如是當云何有所作而求阿耨多羅三耶三菩提善男子善女人求菩薩道不欲高下如來者當作是求如諸佛世尊所知識以

辯才慧諸善本之相與法相應者我持是勸助我所求阿耨多羅三耶三菩提者皆是諸佛所知諸善男子善女人求菩薩道者不荷諸善本功德求阿耨多羅三耶三菩提如是求者為不高下如來是為信佛信法菩薩如是行者為不雜毒所求為無有毒若善男子善女人求菩薩道行般若波羅蜜者所為功德當作是求五陰亦不著欲界色界無色界亦不著過去當來今現在六波羅蜜亦不著三界亦不著去來今內外空及有無空三十七品佛十種力及十八法亦不著三界亦不著去來今如及爾法生法滅真際不思議性戒忍智解脫解脫見慧薩云若無所亡法常等行亦不著三界不著三界者亦無去來今何以故以無所入故有所求者亦無所入所可求法亦復無所著是人亦復無所著諸佛世尊亦復無所著諸餘善本亦無所著聲聞辟支佛諸善本亦無所著諸無所著者亦非去來

今若有菩薩行般若波羅蜜知五陰不著三界亦非去來今亦不可以猗想有所求何以故不見有所生者諸無所生者亦無所有無所有者不能有所為六波羅蜜乃至無所亡法及常等行亦不著三界亦非去來今非去來今者亦不可以猗想有所為何以故是所生不可得故諸所生者為無所有無所有者亦不能有所為是為菩薩不雜毒求若有善男子善女人求菩薩道有猗想者則為邪求所作善本猗想求是為邪求諸有邪求者諸佛世尊所不稱譽佛所不稱譽者為不具足六波羅蜜不具足六波羅蜜者則不具足

三十七品則不具足內外空及有無空佛十種力及十八法則不具足不具足十八法者則不能淨佛國土則不能教授衆生終不成阿耨多羅三耶三菩所以者何有雜毒求故菩薩摩訶薩行般若波羅蜜者當作是念如諸佛所知善本功德法求如所求為求阿耨

多羅三耶三菩我亦當以是法求阿耨多羅三耶三菩是時佛讚嘆須菩提言善哉善哉須菩提乃作世尊之行能為諸菩薩說所為所求之法無想無所猗無所出亦不斷亦不著亦不有亦不無應空相應法性應如行佛告須菩提假令三千大千剎土中衆生悉得

十善之利悉得四禪四等四空定及五旬盡得是利於須菩提意云何是衆生所得福寧多不須菩提白佛言甚多甚多世尊佛言不如是善男子善女人於諸善本無所生無所著以為阿耨多羅三耶三菩是功德最為尊化無上正真之化具足之化復次須菩提若

三千大千剎土中衆生盡得須陀洹上至羅漢辟支佛若有善男子善女人盡其壽命供養是輩羅漢辟支佛隨其所安飲食衣被牀卧之具病瘦醫藥盡諸所有敬之養之於須菩提意云何其福寧多不須菩提言甚多甚多佛言不如是善男子善女人住無所生無

所著於善本之德無所求其福最尊最上復次須菩提假令三千大千剎土眾生盡發阿耨多羅三耶三菩十方恒邊沙剎土中眾生一一眾生供養是菩薩盡恒邊沙劫隨其所安飲食衣服牀卧醫藥瞻視恭敬承事於須菩提意云何其福寧多不須菩提言甚多甚

多世尊其福多不可計不可數不可以譬喻爲比若使福德當有形者十方虛空所不能受佛告須菩提雖作爾所福德不如是善男子善女人所作善本無所生無所著於善本之德無所求是善男子善女人之功德最尊最上無比無上之化是無所生無所著之功

重

佛光三

德與前功德百千億万倍不相比何以故是善男子善女人有猗有想於十善事及四禪四等四空定五通盡具足何以故是善男子善女人以猗想供養諸聲聞辟支佛上至菩薩故尔時四王天上二万天子皆叉手禮佛足白佛言世尊菩薩所施爲漚漚拘舍羅甚

善快哉所作已應無猗無著應空無相所施善本爲阿耨多羅三耶三菩所施爲不二入上至梵迦夷天無鞅數百千亦復嘆譽菩薩漚漚拘舍羅皆復如是阿迦膩吒天與無鞅數億百千諸天來至佛所爲佛作禮俱發大音聲言世尊甚奇大哉於般若波羅蜜行漚漚拘舍羅所作善本其德勝前過去善男子善女人之所作爲於是佛告四天王及阿迦膩吒諸天子言假令三千大千剎土所有眾生盡作阿耨多羅三耶三菩後代過去當來今現在諸如來無所著等正覺代其歡喜及弟子衆從初發意至般泥洹乃至法盡於其中間所作諸善之本代其歡喜聲聞辟支佛所作諸善之本代其歡喜及眾生所作諸善之本行檀波羅蜜至般若波羅蜜代其歡喜諸賢聖所有戒品三昧品智慧品解脫品解脫見慧品代其歡喜餘無量佛法都盧計校合聚是上諸功德皆代其歡喜猗是代歡喜

功德為阿耨多羅三耶三菩若復有善男子  
善女人欲發阿耨多羅三耶三菩代過去當  
來今現在諸如來無所著等正覺及羅漢辟  
支佛從發意至成阿耨多羅三耶三菩從其  
中間行六波羅蜜及餘無數佛法功德代  
其歡喜而無所希望亦不二入已應無相應

無所著應空是為最第一代其歡喜為無上  
代歡喜也持是代歡喜功德為阿耨多羅三  
耶三菩而無所倚者其功德福祐勝於前善  
男子善女人所為代歡喜比其功德百倍千  
倍巨億万倍是為菩薩摩訶薩最上代歡喜  
之所為也尔時須菩提白佛言如世尊所說

合集是善男子善女人功德於諸功德中無  
過代歡喜者代歡喜之德無過是德須菩提  
言世尊云何為最上云何為最尊佛告須菩  
提言若善男子善女人於當來過去今現在  
法無所取無所捨亦不貢高亦不無貢高亦  
不有所倚亦不無所倚於是法亦無有生亦

無有滅亦無著亦無斷於是法中亦不見增  
亦不見減亦無往亦無反亦不道亦不俗如  
去來今法如及爾法所住法所滅法我亦復  
代歡喜持是代歡喜功德為阿耨多羅三耶  
三菩施菩薩摩訶薩作如是施為代其歡喜  
最為第一無過是代歡喜者須菩提作如是

代歡喜比餘代歡喜之德百倍千倍巨億万  
倍不及是代歡喜者復次須菩提善男子善  
女人行菩薩道者欲代去來今諸佛及諸聲  
聞辟支佛從初發意至于成佛於其中間作  
諸善本行六波羅蜜及餘無數佛法善本者  
欲代歡喜者復欲代一切眾生所作善本當

作是代歡喜是代歡喜為最等六波羅蜜與  
脫等脫與五陰等其脫之事與内外空等解  
脫之事與有無空等三十七品與解脫等十  
力與解脫等解脫與解脫見慧等去來今法  
與解脫等解脫則是過去當來今現在解脫  
如諸佛世尊之所施為解脫如諸佛弟子諸

佛弟子亦如解脫解脫者與聲聞辟支佛泥洹等解脫事與諸佛世尊法等解脫者亦如羅漢辟支佛解脫亦如諸法之法我於是無縛無脫之法我於無著如無汙染清淨之法不生無所生不滅無所滅之法我所施為於阿耨多羅三耶三菩者亦如是上諸法無所縛法無所敗法無所壞法佛告須菩提是為菩薩摩訶薩無上代歡喜最為第一佛言善多羅三耶三菩阿惟三佛復次須菩提若有善男子善女人行菩薩道者盡其形壽供養十方恒邊沙佛及眾弟子隨其所安飯食衣被牀卧醫藥盡諸佛形壽般泥洹已後晝夜奉事舍利幢幡花蓋伎樂以為供養常念行六波羅蜜而有所倚復有善男子善女人欲成阿耨多羅三耶三菩行六波羅蜜漚漚拘舍羅而無所倚持是功德無所希望於阿耨多羅三耶三菩比其善本功德百倍千倍巨

億万倍不及是代歡喜福德最尊最上須菩提菩薩摩訶薩行六波羅蜜以漚漚拘舍羅無所倚功德為阿耨多羅三耶三菩而無所倚

平江沈茂書

放光般若波羅蜜經卷第十二

重二

漚漚上烏侯反 繒上自天綬反 綵下莫官反 綵下音和 綵又莫半反

放光般若波羅蜜經卷第十三

重三

西晉三藏無羅叉共竺叔蘭譯

照明品第四十一

舍利弗白佛言世尊是般若波羅蜜耶佛言是舍利弗舍利弗言世尊般若波羅蜜者作照明故世尊般若波羅蜜者至竟清淨故世尊般若波羅蜜者為有名字世尊般若波羅蜜者於三界無沾汙世尊般若波羅蜜者除諸垢冥世尊般若波羅蜜者於三十七品之最尊上世尊般若波羅蜜者安隱諸災患恐怖者世尊般若波羅蜜者為五荒見蔽者作明故世尊般若波羅蜜者無際眾生入邪徑